



VEDTEKTER FOR VAKSDAL LANDBRUKSFOND - REVIDERT 13.11.2017

Kommunestyret i Vaksdal kommune fatta vedtak om revisjon av vedtektene for Vaksdal landbruksfond i kommunestyremøte av 13.11.2017 - Sak 78/2017, etter framlegg frå rådmannen.

Dei nye vedtektene erstattar vedtektene av 03.05.2007, og er som følgjer:

§ 1 Heimel og kapital

Heimelen for landbruksfondet er Kongeleg resolusjon av 25.02.1983, og gjeld Eksingedalsvassdraget/Leirovassdraget, Myster kraftverk.

Grunnkapitalen var kr. 1 000 000,- ved oppretting av fondet i 1985, og vart endra til kr. 1 906 283,- av kommunestyret i 2007, jf. sak i kommunalt vedtak 008/07. Frå og med 01.01.2012 skal grunnkapitalen aukast att årleg tilsvarande konsumprisindeksen. Frå og med 01.01.2018 skal grunnkapitalen setjast ned til kr. 1 800 000, -, og vere gjeldande inntil vidare.

Kapital ut over grunnkapitalen; frie fondsmidlar, kan delast ut tilskot.

§ 2 – Føremål

Fondet skal nyttast til fremjing av landbruket i kommunen. Alle næringsdrivande lag og organisasjonar i landbruket, kan få hjelp av fondet til investeringar.

§ 3 Budsjett og rekneskap

Budsjett og rekneskap for fondet, for inntekter av fondsmidlane og for bruk av fondet, vert lagt til det budsjettet og den rekneskap som kommunen fører, og skal vera i samsvar med føresegnene for dette.

Kvart år skal det leggjast fram for kommunestyret ei melding om fondet si verksemd.

§ 4 Fondsstyre

Kommunestyret oppnemner eit fondsstyre på 3 personar med 3 personlege vararepresentantar for 4 år om gongen. Det bør utnemnast;

- ein politisk representant.
- ein representant frå landbruksnæringa.
- ein representant frå den kommunale landbruksforvaltninga.

Fondsstyret skal handsama søknader som kjem inn under desse vedtektene, og skal koma med tilråding til kommunestyret som gjer vedtak.

§ 5 Bruk

1 Lån og grunnkapital

Av grunnkapitalen kan det i særlege høve ytast lån eller garanti for lån til felles utviklingstiltak innan landbruket.

2 Tilskot

Av fondet si avkastning kan det ytast tilskot til fellestiltak og einskildpersonar for;

- styrking av kommunale tilskot retta direkte mot landbruksnæringa.
- driftsbygningar i landbruket
- tilleggsnæringar knytt til landbruk, til foredling av varer med basis i landbruket og til andre investeringar som vil betre grunnlaget for landbruksdrift i kommunen.

Tilskot har avgrensingar og gjeld eigar/søkjar sin netto dokumenterte kostnad:

	<u>Individuelle tiltak</u>	<u>Fellestiltak</u>
Driftsbygning	10 %	15 %
Maskiner og reiskap	0 %	35 % (maskinringar)
Tilleggsnæringar	10 %	20 %

Presiseringar:

Vilkår for å få tilskot er at det er/vert drift på bruket. Omsetninga frå produksjon eller foredling av landbruksvarer må vera/verta minst kr. 30 000,- pr. år.

Døme:

Ein bonde som oppfyller minstekravet til landbruksrelatert omsetning kan få tilskot til kva som helst tilleggsnæring, dersom det styrkjer grunnlaget for landbruksdrift på bruket eller i kommunen (gjev inntekt).

Ein person som eig og bur på ein gard som ikkje har landbruksrelatert omsetning, kan berre få tilskot til investeringar som gjeld produksjon eller foredling av landbruksvarer.

Til driftsbygningar kan det berre gjevast tilskot til nyinvesteringar, ikkje til vedlikehald. Som driftsbygning reknar ein husdyrrom, mjølkerom, fôrrom/fôrlager og gjødsellager.

Døme på tiltak som ikkje kan få tilskot,

- reiskapshus, garasjar, naust og andre lagerbygningar (unntak for maskinringar).
- nybygg av hytter til utleige eller opprusting av eldre bustadhus med formål utleige.
- bygging av minikraftverk
- sagbruk

3 Forskoting

Frie fondsmidlar kan nyttast til forskoting av kapitalkrevjande tiltak som vert finansiert av offentlege tilskot.

§ 6 Forvaltning

Fondet sine midlar vert plassert på renteberande konto i bank, i pant- og ihendehavarobligasjonar

eller på annan trygg måte.

Fondsstyret ser til at kapitalen gjev ei forsvarleg renteavkasting samstundes som naudsynt kapital må kunne nyttast på kort varsel.

Grunnkapitalen skal vera 1906 283,- frå 01.01.2007 til 31.12.20011. Frå 01.01.2012 skal grunnkapitalen i fondet kvart år tilleggjast den del av den årleg avkastinga som svarer til auken i konsumprisindeksen, slik denne er rekna ut at Statistisk sentralbyrå. Frå og med 01.01.2018 skal grunnkapitalen setjast ned til kr. 1 800 000, -, og vere gjeldande inntil vidare.

Renter og avdrag skal førast attende til fondet.

Kommunekasseraren har arbeidet med rekneskapsføringa og gjev årleg oppgåve over storleiken av fondet og avkastinga.

§ 7 Handsaming av søknadar til fondet

Søknadsfrist er 1. desember.

Fondsstyret med landbrukskontoret som sekretariat har det daglege arbeidet som vedkjem søknadar m.m.

Fondsstyret gjev innstilling og kommunestyret gjer endeleg vedtak.

Innkomne søknadar skal handsamast innan utgangen av januar kvart år.

§ 8 Vedtektsendringar

Vedtektene kan endrast etter vedtak i kommunestyret.

Vedtektene vert å senda til Fylkesmannen til orientering

Dei reviderte vedtektene skal gjelda frå 01.01.2018.

*Vedteke i Vaksdal kommunestyre 03.05.2007,
med seinare endringar i møte av 13.11.17.*